

Na osnovu člana 19. stav (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), a u vezi sa članom 5. Zakona o plaćama i naknadama u organima vlasti Federacije BiH ("Službene novine Federacije BiH", br. 45/10, 111/12 i 20/17), Vlada Federacije Bosne i Hercegovine, na 26. sjednici, održanoj 22.01.2024. godine, donosi

**ODLUKU
O DAVANJU SAGLASNOSTI NA SPORAZUM O OSNOVICI I BODU ZA OBRAČUN PLAĆA**

I.

Daje se saglasnost na Sporazum o osnovici i bodu za obračun plaće.

II.

Sporazum iz tačke I. ove odluke se prilaže ovoj odluci i čini njen sastavni dio.

III.

Za potpisivanje Sporazuma iz tačke I. ove odluke ovlašćuje se Vojin Mijatović, dopremijer Federacije Bosne i Hercegovine

IV.

Ova odluka stupa na snagu danom donošenja i objavit će se u "Službenim novinama Federacije BiH".

V. broj 47/2024
22. januara/siječnja 2024. godine
Sarajevo
Premijer
Nermin Nikšić, s. r.

Na osnovu člana 5. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", br. 45/10, 111/12 i 20/17), člana 24. Kolektivnog ugovora za službenike organa uprave i sudske vlasti u Federaciji Bosne i Hercegovine ("Službene novine Federacije BiH", broj 98/23) i Odluke o davanju saglasnosti na Sporazum osnovici i bodu za obračun plaća, V. broj 47/2024, koju je Vlada Federacije Bosne i Hercegovine donijela na 26. sjednici, održanoj 22.01.2024. godine, Vlada Federacije Bosne i Hercegovine s jedne strane i Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, s druge strane, zaključuju

**SPORAZUM
O OSNOVICI I BODU ZA OBRAČUN PLAĆA
Član 1.**

Utvrđuje se osnovica u iznosu od 425,00 KM i bod u iznosu od 1,00 za obračun plaća u organima vlasti Federacije BiH u fiskalnoj 2024. godini.

Član 2.

Osnovica i bod iz člana 1. ovog sporazuma će se primjenjivati na način i od momenta kada to bude uređeno Zakonom o izvršavanju budžeta za 2024. godinu, a u skladu sa članom 5. stav (1) Zakona o plaćama i naknadama u organima vlasti Federacije BiH.

Član 3.

Izuzetno, strane su saglasne da se Zakonom o izvršavanju budžeta može izmijeniti bod utvrđen članom 1. ovog sporazuma, ukoliko u bilo kojem kvartalu fiskalne 2024. godine u Izvještaju o izvršenju budžeta

Službene novine Federacije BiH, broj 6-24

bude utvrđeno da su ostvareni budžetski prihodi bili niži za najmanje 10% u odnosu na prihode ostvarene u istom periodu u prethodnoj godini.

Član 4.

Ovaj sporazum stupa na snagu danom potpisivanja.

Broj 03-30-129-1/2024
22. januara/siječnja 2024. godine
Sarajevo
Bosna i Hercegovina
Federacija Bosne i Hercegovine
Vlada
Dopremijer
Vojin Mijatović, s. r.

Broj 01-99/24
22. januara/siječnja 2024. godine
Sarajevo
Sindikat državnih službenika i namještenika u organima državne službe, sudskoj vlasti i javnim ustanovama u FBiH
Predsjednik
Samir Kurtović, s. r.